

Ko te ingoa o te tangata e ki ana kia taka mai ki a ia te whenua.	Ko te ingoa o te tangata i mate.	Ko te ingoa o te whenua.
Haimona Pirika Ngai ... ..	Pirika Herchere ... ..	Motuparapara.
Haki Whangawhanga ... ..	Ngamane Te Kuha ... ..	Te Maruata.
Toka ... ..	Hirawanu Te Puia ... ..	Parahaki.
Matire Hirawani Te Puia ... ..	Hirawani Te Puia ... ..	Waimahanga.
Riripeti Pohe ... ..	Wiremu Pohe ... ..	Parahaki Nama 2.

## HE PANUITANGA.

*Mo etahi pihi whenua kia wahia.*

Tari o te Kooti Whenua Maori,

Akarana, Akuhata 4, 1877.

HE Panuitanga tenei kia mohiotia ai, ko a te nohoanga o tenei Kooti ki Whangarei, i te Takiwa o Kaipara, a te 14 o nga ra o Hepetema, 1877, te whakarangona ai nga tono a nga tangata e mau nei o ratou ingoa i te rarangi tuatabi, kia wahia, kia roherohea nga whenua i roto i nga Karauna Karaati e mau nei nga ingoa i te rarangi tuarua, ko te Takiwa kei te rarangi tuatoru.

NA TIKI,  
Tino Kaituhituhi.

Ko te ingoa o te tangata i tono kia wahia te whenua.	Te ingoa o te whenua i tonoa kia roherohea.	Te Takiwa.
Hamuera Tauī ... ..	Ketenikau ... ..	Whangarei.

## PANUITANGA.

Kooti Whenua Maori, Akarana, Akuhata 4, 1877.

NOTEMEA i tetahi Kii Runanga i puta i te 12 o nga ra o Tihema, 1876, i mea te Kawana ratou ko tona Runanga, i runga i te tikanga o "Te Ture Whenua Maori, 1873," me "Te Ture Whenua Maori, 1874," ko te tono a Henare Te Moananui, raua ko Paratene Te Manu mo tetahi pihi whenua ko Whakawaka te ingoa, e takoto ana i Whangarei, i te Takiwa o Kaipara, i whakawakia e te Kooti Whenua Maori o Niu Tirani, i Whangarei i te 18 o nga ra o Hepetema, 1876, me whakawa hou ano i te aroaro o taua Kooti, a me tu taua whakawa tuarua ki mua mai o te 18 o nga ra o Hepetema, 1877.

Na, he Panuitanga tenei kia mohiotia ai ka tu te Kooti Whenua Maori, ki Whangarei, a te 14 o nga ra o Hepetema, 1877, hei whakawa hou ano i taua pihi whenua.

NA TIKI,  
Tino Kaituhituhi.

## PANUITANGA.

Kooti Whenua Maori, Akarana, Akuhata 4, 1877.

NOTEMEA i tetahi Kii Runanga i puta i te 16 o nga ra o Hanuere, 1877, i mea te Kawana ratou ko tona Runanga i runga i te tikanga o "Te Ture Whenua Maori, 1873," me "Te Ture Whenua Maori, 1874," ko te tono a Te Tirarau raua ko Tipene Hari mo tetahi pihi whenua ko Pakikaikutu te ingoa, e takoto ana i Whangarei, i te Takiwa o Kaipara, i whakawakia e te Kooti Whenua Maori o Niu Tirani i Whangarei, i te 15 o nga ra o Hepetema, 1876, me whakawa hou ano i te aroaro o taua Kooti, a me tu taua whakawa tuarua ki mua mai o te 15 o nga ra o Hepetema, 1877.

Na, he Panuitanga tenei kia mohiotia ai ka noho te Kooti Whenua Maori ki Whangarei, a te 14 o nga ra o Hepetema, 1877, ki te whakawa hou ano i tenei pihi whenua.

NA TIKI,  
Tino Kaituhituhi.

## PANUITANGA.

Kooti Whenua Maori, Akarana, Akuhata 4, 1877.

NOTEMEA i tetahi Kii Runanga i puta i te 12 o nga ra o Tihema, 1876, i mea te Kawana ratou ko tona Runanga i runga i te tikanga o "Te Ture Whenua Maori, 1873," me "Te Ture Whenua Maori, 1874," ko te tono a Henare Te Moananui mo tetahi pihi whenua ko Te Rehuotane te ingoa, e takoto ana i Whangarei, i te Takiwa o Kaipara, i whakawakia e te Kooti Whenua Maori o Niu Tirani i Whangarei, i te 18 o nga ra o Hepetema, 1876, me whakawa hou ano i te aroaro o taua Kooti, a me tu taua whakawa tuarua ki mua mai o te 18 o nga ra o Hepetema, 1877.

Na, he Panuitanga tenei kia mohiotia ai ka noho te Kooti Whenua Maori ki Whangarei, a te 14 o nga ra o Hepetema, 1877, ki te whakawa hou ano i tenei pihi whenua.

NA TIKI,  
Tino Kaituhituhi.

## PANUITANGA.

Tari o te Kooti Whenua Maori, Akarana, Akuhata 17, 1877.

HE Panuitanga tenei kia mohiotia ai ko nga whenua e mau ake nei nga ingoa, ara ko:—Rangipo, Whitinui, Mangaere, Te Rahui, Witinui, me Mangamingi hoki, i panuitia kia whakawakia ki Patea, a te 14 o nga ra o Hepetema, 1877, ekore e whakawakia i taua ra, engari ka whakanukubia mo tetahi atu tuunga o te Kooti, notemea kahore ano aua whenua i ruritia.

NA PENETANA,  
Tumuaki Kaiwhakawa.